



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **De Vera Sapientia Virtute Et Tranquillitate Animi Enchiridion DD. Evcherii Lvgdvnensis, Martini Bracarensis, & Magni Wigonis, Antistitum**

**Eucherius <Lugdunensis>**

**Martinus <Bracarensis>**

**Magnus <Wigo>**

**Monachii, 1639**

Cap. VI. Vanvmesse, Lavdem appetere.

**urn:nbn:de:hbz:466:1-10188**



*VANVM ESSE, LAV-  
dem appetere.*

I. **S**I bene scires naturam,  
ac potentiam humanæ  
opinionis, vel fauoris,  
nunquam vel exiguè pro eis  
laborares, aut gauderes, aut  
contristareris. Nil enim pro-  
sunt, cui impenduntur: sicut  
colores, & ceteræ forme, cor-  
pora, vel res, quibus insunt,  
deturpant quidem, sed ipsis  
nil prosunt, aut obsunt. Quid  
enim profuit Soli, aut Lunæ,  
quòd eos pagani Deos puta-  
uerunt? aut quid eis, quòd tu  
eos creaturas esse cognoscis,  
obest?



obest? Quod si etiam sterco-  
ra eos esse putares: quid eis  
noceret? Quare, sicut natu-  
ram, & potentiam illius, aut  
illius herbæ, siue ligni; Ita,  
laudis, & opinionum scruta-  
re. Facile, adiuuante Deo, id  
poteris; ex cuius vnus opi-  
nionibus, vel fauoribus, ce-  
tera metienda sunt.

2. In hoc cognoscis, quæ  
soli Deo debentur, quia ex-  
hibita cuicunque rei, nil pro-  
sunt: vt cognitio, amor ad  
fruendum, timor, reueren-  
tia, admiratio, &c. Hæc enim  
eo ipso, quod ei, cui exhiben-  
tur, nil prosint, ostendunt se  
ei soli deberi, qui nullo eget.

Si



Si enim laudari, vel cognosci,  
aut admirationi esse, prodes-  
set, quis non quotidie merce-  
de conduceret, tanquam o-  
perarios, qui hæc sibi exhibe-  
rent assiduè, vt sine intermis-  
sione proficere posset? Quæ  
mater filijs suis id non sine  
cessatione impenderet? Quis  
non vestes, prædia, iumentâ-  
que, séque ipsum die, noctû-  
que, bona diceret, vt sic me-  
liora laudando redderet? nil  
ergo ista profunt, cui impen-  
duntur. Qui autem exhibet,  
exhibendo deterior, aut me-  
lior efficitur. Si autem amat,  
aut admiratur, aut timet id,  
quod debet; melior, si autem  
quod



quod non debet, deterior,  
utique fit. Similiter in ceteris.

Quàm ergo pius est domi-  
nus, qui nihil à nobis exi-  
git, ut sibi profit: multum-  
que à nobis sibi seruii repu-  
tat, si quod nobis est utile,  
semper agamus?

3. Sicut radicum, herba-  
rum, vel cæterarum rerum  
naturas; ita opinionis, fauo-  
ris, laudis, vel vituperationis  
expende. Amor vniuscuius-  
que hominis, est omnium.  
Singuli enim omnes amare  
debent. Qui ergò hunc sibi  
specialiter exhiberi vult, ra-  
ptor est, & ideò reus contra  
omnes efficitur. Ecce huic

cor-



corpori immixtus, satis miser  
eras: omnibus enim eius cor-  
ruptionibus vsque ad mor-  
sum pulicis, vel sorūculi sub-  
iacebas. Non suffecit hoc ti-  
bi. Immiscuisti enim te alijs,  
quasi corporibus, opinioni  
hominum, admirationi, a-  
mori, honori, timori, & alijs  
similibus: & sicut ex corpo-  
ris, ita ex horum læsione, do-  
lore afficeris. Ipsemet li-  
gna, quibus combureris, tibi  
adhibuisti. Læditur nempe  
honor tuus, cum contemne-  
ris: sic de ceteris. Ita etiam  
de formis corporum cogita.  
Quo te ille, aut ille vitio cō-  
tempfit; eodē tu te contem-  
ptum,



ptum, tanquam timidus, doluisti; scilicet superbiâ. Et quo tibi vitio abstulit, eodem tu doluisti ablata; id est, amore periturorū. Nisi contempseris, quidquid possunt homines, vel aduersando, vel adiuuando: non poteris contemnere affectus; id est, odia, & amores: quare nec opiniones bonas, aut malas.

4. Vide, quomodo vendis amorem, & ceteros affectus animi tui ad obolos, aut nummos; sicut in tabernâ vinum. Rursum attende, qualiter emas opiniones, & amores, ac ceteros affectus, siue motus humanorum animorum ad

M obolos



obolos & nummos, sicut in  
tabernâ vinum. Hic homo  
dedit pro laudibus omnia  
sua; ille pro voluptate ven-  
tris & gutturis: quis horum  
peiùs operatus est? Hoc qui-  
dem nescio: sed scio alterum  
porcina, alterum diabolica  
voluptate actum.

5. Quare vis amari ab ho-  
minibus? utique ut adsint  
mihi; id est, huic vitæ meæ.  
Ergò quia sentis te infirmum,  
& eorum violentiæ succum-  
bere paratum. Quasi dicas: si  
voluerint homines, moriar:  
si voluerint, viuam. Quod  
falsum est. Necessariò enim  
morieris, siue illi velint, siue



*Tranquillitate animi.* 191

nolint. Quid enim ages, ut non moriaris? Ergo optas de te bona opinari homines, ut te ament, aut timeant. Ament autem, vel timeant, ut profint, vel non obsint. Econtrà metuis, vel abhorres, praua de te, vel mala opinari homines, ne oderint, aut contemnant, aut ne noceant, aut certè non profint. Hoc autem propter ipsam experientiam infirmitatis, atque debilitatis, quàm contraxisti, à Deo recedendo, & instabili- bus atque infirmis inhæren- do, & innitendo. Si enim non sentires eorum vilitatem, at- que infirmitatem, non time-



res pro eis , atque dolores. Sed times pro eis ac doles , cùm videlicet pereunt , aut auferuntur. Ergo cognoscis eorum vilitatem & infirmitatem. Qua propter nullam potes omnino excusationem prætere, quòd ea diligis, aut eis inniteris.

6. Mirum tamen valde est, alicuius rei infirmitatē sentire, & tamen inniti ei; vilitatem nosse, & amare, siue mirari. Dum ergo propterea doles, aut metuis; duo in te, quæ simul posse esse non videntur, esse demonstras, id est, & nosse te, & sentire eorum infirmitatem, ac vilitatem;



tem; & tamen amare ea, & inniti eis. Nam nisi horum alterum inesset tibi, id est, si aut non amares, aut non nosses eorum vilitatē, nullo modo doleres pro eis pereuntibus.

C A P. VII.

*VERAM LAUDEM  
soli virtuti deberi.*

I. **E**Sto talis, qui lauderis: non enim bene laudatur, nisi bonus; quod non est, qui laudis cupidus est. Non ergo laudatur. Cùm ergo laudatori blandus es, iam non tuo laudatori blandus es; non enim iam tu laudaris,

M 3      daris,